



Inatsisartuni ilaasortaq Juliane Henningsen, Inuit Ataqtigiit  
Inatsisartut Allattoqarfiat  
/Maani

**Folketingimut Ilaasortap Doris Jakobsenip Naalakkersuisunit  
sulinngiffeqarallarnissaa pillugu § 37 naapertorlugu apeqqummut nr. 042-imut  
akissut.**

Asasara Juliane Henningsen

Folketingimut Ilaasortap Doris Jakobsenip Naalakkersuisunit sulinnigiffeqarallarnissaa pillugu Inatsisartut suleriaasianni § 37 naapertorlugu Naalakkersuisunut arlalinnik apeqquteqarputit. Apeqqut uannut akisassanngortinneqarsimavoq, suliaq Naalakkersuisut siulittaasuattut suliassarigakku.

Apeqqutigineqartunut akissutikka ataani tulleriiarlutik allassimapput.

**Apeqqut:**

Doris Jakobsenip folketingimi ilaasortatut suliaminik aallussiniarnera pissutigalugu Naalakkersuisuniit sulinnigiffeqarneranut tunngatillugu Inatsisartut Naalakkersuisullu pillugit Inatsisartut inatsisaanni nassuiarneqarsimasutut patsisaasut pingaarnerit Naalakkersuisunit nassuiaqquneqarput.

**Akissut:**

Peqqissutsimut tunngasut pissutaasulluunniit allat pingaarutillit kingunerisaannik Naalakkersuisunut ilaasortatut sulinnigiffeqarallarnissamik qinnuteqaatit Naalakkersuisut Siulittaasuata akuerisinnaavai. Tamanna Inatsisartut Naalakkersuisullu pillugit Inatsisartut inatsisaanni nr. 26-mi, 18. november 2010-meersumi § 24, imm. 1-imi allaqqavoq.

Inatsisinut nassuiaatit naapertorlugit taaguut sulinnigiffeqarneq tassaavoq piffissami killilimmi suliassanik isumaginninngikkallarnissaaq Naalakkersuisunut ilaasortap nammineq qinnutigisimasaa.

Naalakkersuisunut ilaasortaq Folketingimut ilaasortatut qinikkatut suliassaminik isumaginninniarluni piffissap ilaani sulinnigiffeqarallarnissamik kissaateqarpat taamaattumillu sulinnigiffeqarallarneq taama ittoq inatsimmi atuuttumi tunngavigineqartut naapertorluarlugit pippat isumaqarpunga sulinnigiffeqarallarnissamik nalunaaruteqarnissamut piumasaqaatit naammassineqarsimasut.

**Apeqqut:**

Naalakkersuisunut ilaasortat sulinnigiffeqartitaasinnaanannut massakut siunissamilu pingaarnertut patsisaatinneqarsinnaasutut isigineqartut Naalakkersuisunit nassuiaqquneqarput.

**Akissut:**

Pissutsit Naalakkersuisunut ilaasortatut suliassanik isumaginninngikkallarnermut

03-03-2015  
Suliap normua. 2015-112211  
All. normua. 1883256

Postboks 101  
3900 Nuuk  
Oqarasuaat (+299) 34 50 00  
Fax (+299) 32 50 02  
E-mail: govsec@nanoq.gl  
www.naalakkersuisut.gl

sulinngiffeqarallarfiusumut siunissami tunngavilersuutaasinnaasut pingaarutilimmik pissutigisaat naammattumik inaarutaasumillu taagorneqarsinnaasorinngilakka.

Sulinngiffeqarallarnissamik qinnuteqarneq Naalackersuisut pillugit inatsimmi atuuttumi tunngavigneqartunut atatillugu aalajangersimasumik immikkullu naliliiffigneqartuassaaq.

**Apeqqut:**

Doris Jakobsenip Naalackersuisunit sulinnigfeqartitaanissaanut Naalackersuisut Siumullu Siulersuisuunerisa siulittaasuat qinnutiginnissimasuunersoq uppersaqquneqarpoq?

**Akissut:**

Taamatut oqartoqarnera uppersarsinnaanngilara.

Neriuppunga qulaani allassimasuni akissutigisakka sukumiisuusorissagitit naammagalugillu.

Inussiarnersumik inuulluaqqusillunga



Kim Kielsen